

քը 2,4 մետր. հյուսիսից հարավ տաճարի լայնքն է 5 մ., հարավային կողը 2,32 մետր, 1,92 մ. խորությամբ, իսկ հյուսիսայինը 2,45 մ., 1,15 մ. խորությամբ: Արևմտյան թևի բացվածքը 2,45 մ., խորությունը 1,15 մ., անկյունից մինչև դուռը 0,49 մ., դրան բացվածքը 0,95 մետր: Յերկրորդ վիմափորի կամ ժամատան յերկարությունն է 6,98 մ., իսկ լայնքը 6,63 մ., սա ևս յերդիկ ունի փոքր կիսազմբեթով: Այս վիմափորները Գեղարդի Պոռչի տաճարների վսեմությունն ու արվեստը հունին, բայց աննշան չեն:

Գեղարվեստական տեսակետից ավելի արժեքավոր է Մատթեոս վարդապետի ճաշակի և շնորհքի մասին գաղափար և տալիս նրա ավետարանի մանրանկարչությունը: Ավետարանը զարդարված է սկզբում խորան-



Ձեռ. Եջմ. Ն. 8. № 1669. Պատկ 57.

ներով, և ապա ավետարանիչների պատկերներով և սկզբնազարդերով: Մորանների մեջ ուշադրության արժանի յեն հայկական խոյակների վերա հաստատված պայտածե կամարները և նրանց կողքերի զարդարանքները, սիրամարգններ, թռչուններ, բուսական զարդեր, վորոնք զուտ արևելյան բնույթ ունին, պարզ գույներով, առանց վոսկու գործադրության. պատկերների մեջ վոսկու փոխարեն նիմբուսի համար գործադրում է դեղին գույնը: Մատթեոս վարդապետը շատ է սիրում հատկապես սիրամարգը, վոչ միայն մեր ցուցադրած պատկերի (57) մեջ, այլ և խորանների կողքերին, պես պես վոճավորությամբ և մեր հին ավետարաններին հատուկ ձևով:

Բայց կան բուսական զարդարանքներ ևս, վորոնք, գրեթե նույնությամբ կրկնված ենք տեսնում պարսկական նոր գորգագործության մեջ: Մատթեոս վարդապետի խորանների արվեստը հին ավանդի հետևողություն է, նշանակական, և վոչ յուր ժամանակի ստեղծագործություն: Միրամարգների պարանոցին մեծ ողակ կամ մանյակ է ձգված, յերբեմն փաթաթված իրար վրի, ինչպես և սասանյան արվեստի մեջ թռչունների վերաբերությամբ:

Ավետարանների պատկերազրության մեջ ևս ունի յուր ուրույն կողմերը. ավետարանիչներն անկախ չեն ներշնչվում և գրում իրենց ավետարանները, այլ նրանք իրենց գրիչներն ունին, վորոնց թելադրում են, վոր սովորական է միայն Հովհաննեսի և Պրոխորոնի համար: Վորպես հազվագյուտ յերևույթ մանրանկարչության պատմության մեջ ունինք նման բան Մարկոսի և Դուկասի համար Reims-ի շրջանում թ—ժ. դարում ծագած մի ավետարանի մեջ, վորտեղ Պետրոս առաքյալը թելադրում է Մարկոսին գրել յուր ավետարանը, իսկ Դուկասին Պողոսը, վորոնց աշակերտներն են ըստ ավանդության այդ յերկու ավետարանիչները*. մեղանում Մարկոսի վերաբերությամբ ունինք Հեթումի Աստվածաշնչի մեջ**, Բայց Մատթեոսի նկատմամբ վոչ միայն անհասկանալի յե այդ, այլ և այտեղ Յովհաննու Պրոխորոնը մորուքավոր է, հակառակ ընդունված ավանդության, մինչդեռ մյուս ավետարանիչների գրիչները, բոլորն անբեղ և անմորուք յերիտասարդներ են: Այս հանգամանքն ի նկատի ունենալով, կարծում ենք, վոր Մատթեոս վարդապետը վոչ թե հին ավանդության հետևողությամբ Պետրոսին կամ Պողոսին է նկարում, վորպես իրենց աշակերտ ավետարանիչներին թելադրողներ, այլ Հոհաննու և Պրոխորոնի հետևողությամբ բոլոր ավետարանիչներին վորպես թելադրողներ իրենց գրիչներին:

Մեր մանրանկարչության մեջ ընդհանրապես պատկերազրությունը թույլ է զարդազրության համեմատությամբ. Մատթեոս վարդապետն ընդհակառակ ավելի ուժեղ է պատկերազրության մեջ, դեմքի, շարժումների իրական և կենդանի արտայայտությամբ, բոլորաձև և թավ մորուքով, գլխի մազերի ուրույն սանրվածքով, կողքերից դեպի հետ, իսկ ճակատին վերից վար, թելթել, վոր նկատվում է ասորականի հետ աղբյւս ունեցող մեր հին քանդակագործության մեջ, Պողավանքի հարավային պատին, 2. դարու առաջին կիսի գործ: Դեմքերը նույնպես բոլորակ են և կանոնավոր, աչքերը կենալից. դեմազծերի կոնտուրները շեշտված սև բծերով, յատկապես սկզբնազարդերի պարիկների դեմքին, վոր նկատվում է նաև ժամանակակից բյուզանդական արվեստի մեջ¹:

* Beissel. Geschichte der Evang. Bücher. Freiburg im Breisgau. 1906. 202.

** Ձեռ. Էջմ. № 180:

1 Beissel. Gesch. der Ev. Bücher. 48.